

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

Ո Ր Ո Շ ՈՒ Մ թիվ - 205

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«27» հունիսի 2023թ.

ք. Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով մաքսային ձևակերպումների մասնագետ՝ Տիգրան Աշոտի Մխիթարյանի վերաբերյալ նյութերը.

Պ Ա Ր Չ Ե Ց Ի՝

ՀՀ ՊԵԿ հետքացթողումային հսկողության վարչության աշխատակիցները, ղեկավարվելով Եվրասիական տնտեսական միության մաքսային օրենսգրքի 333-րդ և «Մաքսային կարգավորման մասին» ՀՀ օրենքի 133-րդ հոդվածներով, իրականացրել են կամերալ մաքսային ստուգում «ՄԵԴՊՐՈ» ՍՊ ընկերությունում և հայտնաբերել, որ «ՄԵԴՊՐՈ» ՍՊ ընկերության անվամբ 18.03.2022թ. թիվ 05100011/180322/0009436 և 28.03.2023թ. թիվ 05100011/280323/0015854 ապրանքների հայտարարագրերով ՀՀ ներմուծված «COVID19-ի ՀԱԿԱԾԻՆ (ԱՆՏԻԳԵՆ) ԱԽՏՈՐՈՇԻՉ ԹԵՍՏԵՐ SURE STATUS ՄԱԿՆՇՄԱՄԲ» նկարագրությամբ ապրանքատեսակը հայտարարագրվել է ԵԱՏՄ ԱՏԳ ԱԱ ծածկագրի վերաբերյալ ոչ ճշգրիտ տեղեկություններով:

ՀՀ ՊԵԿ մաքսային հսկողության վարչության 18.04.2023թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» թիվ ԱԴՈ-23-000031 որոշմամբ հաստատվել է, որ 18.03.2022թ. թիվ 05100011/180322/0009436 և 28.03.2023թ. թիվ 05100011/280323/0015854 հայտարարագրերով հայտարարագրված «COVID19-ի ՀԱԿԱԾԻՆ (ԱՆՏԻԳԵՆ) ԱԽՏՈՐՈՇԻՉ ԹԵՍՏԵՐ SURE STATUS ՄԱԿՆՇՄԱՄԲ» նկարագրությամբ ապրանքատեսակը ԵԱՏՄ ԱՏԳ ԱԱ 3002 15 000 0 ծածկագրի (մաքսատուրքի դրույքաչափը՝ 3%, առկա է 71C նշում, ԱԱՀ՝ 0%) փոխարեն ենթակա է հայտարարագրման ԵԱՏՄ ԱՏԳ ԱԱ 3822 19 000 1 ծածկագրով (մաքսատուրքի դրույքաչափը՝ 3%, առկա է 71C նշում ԱԱՀ՝ 20%):

ՀՀ ՊԵԿ հետքացթողումային հսկողության վարչության կողմից 28.04.2023թ. կազմվել է թիվ 0039-Ա կամերալ մաքսային ստուգման ակտն, որն ուղարկվել է ՀՀ ՊԵԿ իրավաբանական վարչություն:

Նյութերի ուսումնասիրությունից պարզվել է, որ ՊԵԿ Արևմտյան մաքսատուն-վարչությունում 18.03.2022թ. թիվ 05100011/180322/0009436 և 28.03.2023թ. թիվ 05100011/280323/0015854 ապրանքների հայտարարագրերը ներկայացրել է մաքսային ձևակերպումների մասնագետ Տիգրան Աշոտի Մխիթարյանը: 2023 թվականի մայիսի 10-ին ՀՀ ՊԵԿ իրավաբանական վարչությունում Տիգրան Աշոտի Մխիթարյանի նկատմամբ ՀՀ մաքսային օրենսգրքի 203-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, որի մեկ օրինակն ուղարկվել է վերջինիս:

«Մաքսային կարգավորման մասին» ՀՀ օրենքի 338-րդ հոդվածի 7-րդ կետի համաձայն մինչև «Մաքսային կարգավորման մասին» ՀՀ օրենքի ուժի մեջ մտնելը՝ 17.10.2022թ.

կատարված մաքսային կանոնների խախտման վերաբերյալ գործերը քննվում են 2000 թվականի հուլիսի 6-ի ՀՀ Մաքսային օրենսգրքի համաձայն, իսկ 17.10.2022 թվականից հետո կատարված մաքսային կանոնների խախտման վերաբերյալ գործերը քննվում են «Մաքսային կարգավորման մասին» ՀՀ օրենքի համաձայն: Նկատի ունենալով, որ թիվ 05100011/280323/0015854 ապրանքների հայտարարագիրը ներկայացվել է 2023 թվականի մարտի 28-ին, այսինքն՝ 17.10.2022 թվականից հետո, ուստի տվյալ դեպքում կիրառելի է 17.10.2022 թվականից գործող «Մաքսային կարգավորման մասին» ՀՀ օրենքը:

ԵԱՏՄ մաքսային օրենսգրքի (այսուհետ՝ Օրենսգիրք) 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Մաքսային հայտարարագրումն իրականացվում է գրավոր և (կամ) էլեկտրոնային եղանակով: ԵԱՏՄ մաքսային օրենսգրքի 106-րդ հոդվածով սահմանվում են ապրանքների հայտարարագրերում նշման ենթակա տեղեկությունները: Սույն հոդվածի 1-ին մասի 4-րդ կետի համաձայն՝ հայտարարագրում նշվում են տեղեկություններ նաև ապրանքների մասին, որոնց մեջ ի թիվս այլոց նշվում է անվանումը, նկարագրությունը, որն անհրաժեշտ է այն մաքսային վճարների, հատուկ, հակազնազցման, փոխհատուցման տուրքերի և այլ վճարների հաշվարկման և գանձման համար, ապրանքների ծածկագիրը՝ Արտաքին տնտեսական գործունեության ապրանքային անվանացանկին համապատասխան:

Օրենսգրքի 20-րդ հոդվածի 1-ին և 4-րդ մասերի համաձայն՝ հայտարարատուն և այլ անձինք ապրանքների դասակարգումն իրականացնում են ԱՏԳ ԱԱ-ին համապատասխան՝ մաքսային հայտարարագրման ժամանակ և այն դեպքերում, երբ մաքսային կարգավորման ոլորտի միջազգային պայմանագրերի ու ակտերի համաձայն, մաքսային մարմին են հայտնում ապրանքի ծածկագիրը՝ Արտաքին տնտեսական գործունեության ապրանքային անվանացանկին համապատասխան: Առևտրային, տրանսպորտային (փոխադրման) և (կամ) այլ փաստաթղթերում, ինչպես նաև եզրակացություններում, տեղեկանքներում, փորձագիտական հիմնարկների կողմից տրվող փորձաքննության արձանագրություններում նշված ապրանքների ծածկագրերը պարտադիր չեն ապրանքների դասակարգման համար:

ԵԱՏՄ մաքսային օրենսգրքի 2-րդ հոդվածի 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ, իսկ 35-րդ կետի համաձայն մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է:

Օրենսգրքի 404-րդ հոդվածի 1-ին մասի համաձայն՝ մաքսային գործառնություններ իրականացնելիս մաքսային ներկայացուցիչն ունի նույն իրավունքները, որոնք ունի այն անձը, որը լիազորում է նրան ներկայացնելու իր շահերը մաքսային մարմինների հետ փոխհարաբերություններում: 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել սույն Օրենսգրքով սահմանված և (կամ) անդամ պետությունների՝ մաքսային կարգավորման վերաբերյալ օրենսդրությամբ սահմանվող այլ պարտականություններ:

Օրենսգրքի 84-րդ հոդվածի 2-րդ կետով սահմանված են հայտարարատուի պարտականությունները, այն է՝ կատարել ապրանքների մաքսային հայտարարագրում,

մաքսային մարմին ներկայացնել մաքսային հայտարարագրում հայտարարագրված տեղեկությունները հաստատող փաստաթղթեր, ներկայացնել հայտարարագրվող ապրանքները և վճարել մաքսային վճարները, իսկ 3-րդ կետի համաձայն հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտարարագրելու, ինչպես նաև մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

«Մաքսային կարգավորման մասին» ՀՀ օրենքի 30-րդ հոդվածի 2-րդ մասի 3-րդ կետի համաձայն՝ մաքսային ձևակերպումների մասնագետի որակավորման վկայական ստանալու պարտադիր պայմաններից է մաքսային օրենսդրությանը տիրապետելը:

Ելնելով վերոնշյալից՝ Տիգրան Աշոտի Մխիթարյանը, որպես մաքսային ձևակերպումների մասնագետ, պարտավոր էր իմանալ, որ հայտարարագրված «COVID19-ի ՀԱԿԱԾԻՆ (ԱՆՏԻԳԵՆ) ԱԽՏՈՐՈՇԻՉ ԹԵՍՏԵՐ SURE STATUS ՄԱԿՆՇՄԱՄԲ» նկարագրությամբ ապրանքատեսակը իրենից ներկայացնում է՝ «Sure Status COVID-19 Antigen Card Test» ապրանքատեսակ, որը իրենից ներկայացնում է կողային հոսքով իմունոքրոմատոգրաֆիական ախտորոշիչ թեստ (հավաքածու)՝ քթից քսուքի նմուշներում SARS-CoV-2-ից նուկլեոկապսիդային սպիտակուցի հակազենի որակական հայտնաբերման համար նախատեսված վերլուծություն (անալիզ), որոնք պարունակում են հակամարմիններ կամ դրանց ֆրագմենտներ: Բաղկացած է բուֆերային շշից, քսուքից, ռեակցիայի բուֆերային սրվակից՝ անհատական փաթեթվածքով և ենթակա է հայտարարագրման ԵԱՏՄ ԱՏԳ ԱԱ 3822 19 000 1 ծածկագրով:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 301-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում, առաջացնում է տուգանք՝ այդ մաքսային վճարների 50 տոկոսի չափով:

«Մաքսային կարգավորման մասին» ՀՀ օրենքի 316-րդ հոդվածի 3-րդ մասի համաձայն՝ ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի հետևանքով առաջանում է մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների իրականացման համար գանձվող պետական տուրքի), տուրքերի չհաշվարկում (պակաս հաշվարկում) կամ չվճարում (պակաս վճարում)՝ հանցագործության հատկանիշների բացակայության դեպքում՝ առաջացնում է տուգանք՝ չհաշվարկված (պակաս հաշվարկված) կամ չվճարված (պակաս վճարված) մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) ընդհանուր գումարի քսան տոկոսի չափով, բայց ոչ պակաս, քան երեսուն հազար դրամի չափով:

Մաքսային ձևակերպումների մասնագետ՝ Տիգրան Մխիթարյանը 2023 թվականի հունիսի 27-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 203-րդ հոդվածի և «Մաքսային կարգավորման մասին» ՀՀ օրենքի 316-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել է, որ համաձայն ՀՀ մաքսային օրենսգրքի 219-րդ հոդվածի և «Մաքսային կարգավորման մասին» ՀՀ օրենքի 332-րդ հոդվածի՝ չներկայանալու դեպքում վարչական գործի քննությունը կիրականացվի իր բացակայությամբ, սակայն չի ներկայացել գործի քննությանը:

Այսպիսով, գործի նյութերով պարզվել է, որ «ՄԵԴՊՐՈ» ՍՊ ընկերության անվամբ թիվ 05100011/180322/0009436 և թիվ 05100011/280323/0015854 ապրանքների հայտարարագրերով ՀՀ ներմուծված և ԵԱՏՄ ԱՏԳ ԱԱ 3002 15 000 0 ծածկագրով հայտարարագրված «COVID19-Ի ՀԱԿԱԾԻՆ (ԱՆՏԻԳԵՆ) ԱԽՏՈՐՈՇԻՉ ԹԵՍՏԵՐ SURE STATUS ՄԱԿՆՇՄԱՄԲ» նկարագրությամբ ապրանքատեսակը հայտարարագրվել է ոչ ճշգրիտ ԵԱՏՄ ԱՏԳ ԱԱ ծածկագրով մաքսային ձևակերպումների մասնագետ՝ Տիգրան Մխիթարյանի մեղքով, ինչի հետևանքով վերոնշյալ հայտարարագրերի մասերով առաջացել է 843313 ՀՀ դրամի չափով պակաս հաշվարկված մաքսային վճարներ, այսինքն՝ Տիգրան Մխիթարյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ և «Մաքսային կարգավորման մասին» ՀՀ օրենքի 316-րդ հոդվածի 3-րդ մասով նախատեսված մաքսային կանոնների խախտում, ինչը հիմնավորվում է ՀՀ ՊԵԿ մաքսային հսկողության վարչության 18"04"2023թ" «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» թիվ ԱԴՈ-23-000031 որոշմամբ, 28"04.2023թ կազմված թիվ 0039-Ա կամերալ մաքսային ստուգման ակտով և թիվ 05100011/180322/0009436 և թիվ 05100011/280323/0015854 ապրանքների հայտարարագրերով:

Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ, 206-րդ և 221-րդ հոդվածներով, «Մաքսային կարգավորման մասին» ՀՀ օրենքի 316-րդ հոդվածի 3-րդ մասով, 258-րդ և 334-րդ հոդվածներով

Ո Ր Ո Շ Ե Ց Ի՝

1. Տիգրան Աշոտի Մխիթարյանին (նույնականացման քարտ 010268282, ՀՀ, ք.Երևան, Արաբկիր, Սունդուկյան 27 շ.45 բն.) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ թիվ 05100011/180322/0009436 ապրանքների հայտարարագրով և տուգանել պակաս հաշվարկված մաքսային վճարների 50 տոկոսի չափով՝ 110833 ՀՀ դրամ:

2. Տիգրան Աշոտի Մխիթարյանին ճանաչել զանցառու «Մաքսային կարգավորման մասին» ՀՀ օրենքի 316-րդ հոդվածի 3-րդ մասով թիվ 05100011/280323/0015854 ապրանքների հայտարարագրով և տուգանել պակաս հաշվարկված մաքսային վճարների 20 տոկոսի չափով՝ 124327 ՀՀ դրամ: Ընդհանուր տուգանքի գումարը կազմում է 235160 ՀՀ դրամ:


3. Որոշման մասին հայտնել Տ.Մխիթարյանին՝ պարզաբանելով, որ «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ վարչական դատարան՝ երկու ամսվա ընթացքում:

ՀՀ պետական եկամուտների կոմիտեի իրավաբանական վարչություն

(ստորաբաժանման անվանումը)

ղեկավար՝ Արման Մնացականյան

(անուն, ազգանուն)


(ստորագրություն)

Որոշման օրինակը՝ 5 էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի ներկայացուցչի անունը, ազգանունը, հայրանունը և լիազորությունը հաստատող փաստաթղթի տվյալները)

(ստորագրություն)

«__» _____
(որոշման օրինակի ստացման ամսաթիվը)

20__ թ.

Ծանոթություն. Սույն որոշմամբ նշանակված փուլի գումարը ենթակա է վճարման Կենտրոնական գանձապետարանի №900005024055 հաշվեհամարին 19 ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կարգի մասին օրենքով սահմանված ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: